

corruptum omiffa provincia in Pannoniam rediiffe, quem barbarus ad fe reverfum liquefacto auro necarit : nec ita multo poft cum quadraginta barbarorum millibus eum in Italiam veniffe. Sed alii numerum magnopere extenuant. Fuitque recentior illa expeditio omnino majoris apparatus, fed Pipiana nihilo fœlicior : quippe cujus conatus vix Carnorum fines exceffere. Quidam annales habent, uno tempore Sigifmundum cum Pipo Venetis bellum intuliffe. Sed five ita fuerit, five (quod plures tenent) diverfo fit tempore bellatum : conftans fama eft, Venetos ad primos belli motus militem & arma ftudio comparaffe, copiarumque omnium imperium Carolo Malateftæ, eximiæ virtutis viro, quem domo ad hoc ipfum accerfiverant, a Patribus decretum. Ferunt, in Taurifinis & in Feltrenfi agro per occasionem alterius partis nonnunquam pugnatum ac cruenta acie femper tanta a barbaro fœvitia bellatum accepimus, ut ne ab iis quidem, quibus fortuna belli pepercifset, injuriam abftinerent : fed captivos ad unum omnes mutilatis manibus, luminibus etiam privarent. Quum igitur in hunc modum aliquandiu bellatum effet, legatis ad Regem miffis, Francisco Fofcaro, Thoma Mocenigo, qui poftea Principes fuere, & Antonio Cornario, inducias Veneti cum Rege in quinquennium pepigere.

Positis cum Sigifmundo armis, haud multo poft Stenus, qui annos tredecim Reipublicæ præfuerat, vita decessit : ejus corpus ad Marinæ ædem eft fitum. Thomas Mocenigus abfens in demortui locum furrogatus eft. Istum Cremonæ legati munere apud Gabrinum Fundulum fungebatur : unde accerfitus inter publicas privatasque gratulationes urbem eft ingreffus. Recentî hujus adminiftratione, decreto Patrum magiftratus quidam funt in Rivumaltum translati. Tribus menfis quæ ab initio ibi fuerant, quarta noviffime Profenetica addita eft, quæ & vulgo *Miffeteria* dicitur. Erectæ ad id ædes eodem loco ampliffimæ, quæ ferrariæ ripæ imminet, in quibus quatuor illi magiftratus hodie continentur. Fuit ab initio illic maximum urbis vectigal ; mox ex uno duo inde vectigalia

*Nec multo
poft Sigif-
mundus sub-
fecutus.*

1410

1414

*Thomas
Mocenigus
Dux crea-
tur.*

*Novi qui-
dam Magi-
stratus in
urbe confi-
ruti.*